



تلخيص المحاضرة السادسة عشر

سورة الواقعة ج 3

- قال تعالى {فَلَا أُقْسِمُ بِمَوَاقِعِ النُّجُومِ}

«ما معنى {لَا}؟»

- التوجيه الأولاني: هو أن {لَا} تأتي عند العرب لتوكيد القسم.

- التوجيه الثاني: أن لا منفصلة عن {أُقْسِمُ بِمَوَاقِعِ النُّجُومِ}، هنا يقولوا فيه محذوف مقدر، كأن ربنا يقول {لَا} لا إيه؟ لا يعني لا ليس الأمر كما تزعمون، لا ليس الأمر كما ظننتم أن الله لن يبعث الناس، فكان {لَا} دي اعتراضية.

- التوجيه الثالث: أحد التوجيهات إن ربنا قال {لَا أُقْسِمُ} بينفي فعلاً بس هنا مش بينفي ذات القسم بينفي الحاجة للقسم.

«يعني إيه {بِمَوَاقِعِ النُّجُومِ}»

- المعنى الأول: مواقع النجوم هي منازل النجوم، أنا بشوفها في وقت هنا وبعد كده بتنتقل هنا وبعد كده تنتقل هنا وبعد كده تغرب فليها مشرق وليها مغرب وليها منازل في أوقات محددة.

«« وكانت العرب مهتمة جدًا بمواقع النجوم فلما ربنا يُقسم بمواقع النجوم يُقسم بأمر خطير عند العرب.

- المعنى الثاني: في النجوم قول مش مشهور يعني هو أن القسم هنا بآيات القرآن مواقع النجوم يعني تنزل قطع القرآن، أن القرآن بيتقال نزل مُنجمًا القرآن نزل يا جماعة مُفرّق منزلش مرة واحدة.

«« وظائف النجوم :

- 1- زينة للسماء.
- 2- بترجم الشياطين اللي بتحاول تسترق سمع الوحي من السماء.
- 3- إن العرب بتعرف بيها الإتجاهات فين الشمال فين الجنوب، ده ببسموه علم التسيير يعني سير النجوم وده علم كويس يعني لو إنسان تعلم الفلك لا بأس بتعلمه.

- قال تعالى {وَإِنَّهُ لَقَسَمٌ لِّوُتَعْلَمُونَ عَظِيمٌ}

«« حركة النجوم دي يا جماعة هو موضوع مش سهل النجوم دي أصلاً
من أقوى أدلة قدرة الله، الشمس بس قد الأرض أكثر من مليون مرة والشمس
دي بيعتبروها نجم صغير.

«« يعني إنتو بتعترفوا أن الله هو اللي خلق النجوم وبيسير النجوم وبيحرك
النجوم وبينقلها من مواقع إلى مواقع وبعد كده تقولي ميقدرش بيعثنى!

- قال تعالى {إِنَّهُ لَقُرْآنٌ كَرِيمٌ}

«« فيه ناس قالوا ممكن نقول لا أقسم بمواقع النجوم إنه قسم بقطع القرآن
اللي بتنزل في تنزلاتها المفرقة ديت لأنه قال بعدها {إِنَّهُ لَقُرْآنٌ كَرِيمٌ}.

«« ده من خلاف التنوع والحقيقة فيه إرتباط بين القول الأول والثاني القول
الأول بيتكلم على نجوم السماء صح والقول الثاني بيتكلم على آيات القرآن
والحقيقة الإثنين مرتبطين...

- لأن النجم عظيم وعالي والآيات عظيمة وعالية.

- النجم يهتدي به الناس الإهتداء الحسي والقرآن يهتدي به الناس الإهتداء
المعنوي.

- فالنجوم هي من أعظم الآيات المرئية والقرآن من أعظم الآيات المسموعة
فهنا {وَإِنَّهُ لَقَسَمٌ لِّو تَعْلَمُونَ عَظِيمٌ}.

- قال تعالى {فِي كِتَابٍ مَّكْنُونٍ (78) لَا يَمَسُّهُ إِلَّا الْمُطَهَّرُونَ}

- القول الأول : الكتاب المكنون هو المصحف اللي هو بين إيدينا.

- القول الثاني : يعني في اللوح المحفوظ لأن القرآن أكيد في اللوح المحفوظ.
- القول الثالث : يعني في الكتب التي في أيدي الملائكة التي بتتنزل بالقرآن.

- قال تعالى {لَّا يَمَسُّهُ إِلَّا الْمُطَهَّرُونَ}

- القول الأول المُطَهَّرُونَ بأنه الإنسان المُتَطَهَّر من الحدث الأصغر والأكبر
ده مینفعش یمسّ القرآن إلا الإنسان المُتَطَهَّر.
- القول الثاني قالوا الملائكة.

مکنون یعنی ایہ؟ یعنی غائب عن الإنسان.

المُطَهَّر هو الطاهر دائماً، أما الإنسان يسمى متطهر 

«القول الذي يقول في كتاب مکنون اللوح المحفوظ هي قول بس هنا فيه مشكلة لأن الآية التي بعدها تقول {لَّا يَمَسُّهُ إِلَّا الْمُطَهَّرُونَ} هل الملائكة بتمس اللوح المحفوظ؟ فهيحتاج يقول إن لا یمسه هنا معناه لا ينزل به مش المس المقصود.

«لذلك القول الأخير ممكن يكون هو أسهل الأقوال وأقربها لإتساق المعاني إن يقال إن الكتاب المکنون هو الكتب التي في أيدي الملائكة وإن المُطَهَّرُونَ هما الملائكة

«» به إشارة مش تفسير بس إشارة إلى أدب إن طالما القرآن اللي في أيدي الملائكة والملائكة مُطَهَّرَة فمش بتمسه إلا لأنها مُطَهَّرَة يبقى من باب أولى أيها الإنسان المُكلف متمشش المصحف إلا وإنت مُطَهَّر.

- حديث صحيح قول النبي عليه الصلاة والسلام: (لا يَمَسُّ الْقُرْآنَ إِلَّا طَاهِرٌ).

- قال تعالى {أَفَبِهَذَا الْحَدِيثِ أَنْتُمْ مُذْهِبُونَ}

أفبهذا الحديث أنتم مكذبون؟

أفبهذا الحديث أنتم معرضون؟

أفبهذا الحديث أنتم تجادلون؟

«» المُدَارَاة أحاول مثلاً أخلص من ظلم أو أخلص من مشكلة بالتلطف في الكلام بدون التنازل عن الحق.

«» المداهنة بقي إن إنت تقول كلام توافق بيه الباطل وترضى معاه بالباطل وتؤيد الباطل وتقول كلام يناقض الثوابت وتهدم الثوابت عشان تسلم وترضى الآخرين.

- قال تعالى {وَتَجْعَلُونَ رِزْقَكُمْ أَنْكُمْ تُكَذِّبُونَ}

«» تجعلون شكر رزق الله تعالى لكم أنكم تكذبون ((زي ما بقولك كده بالبلدي هو ده شكري في النهاية؟! هو ده تقديرك ليا في النهاية؟!))

- قال تعالى {فَلَوْلَا إِذَا بَلَغَتِ الْحُلُقُومَ}

«الروح بلغت الحلقوم بدأت تطلع بقي عدت الترقوة وبدأت تخرج إلى الحلقوم لأن روح الإنسان بتبدأ تطلع من تحت من رجليه صعوداً عشان كده آخر حاجة بتروح البصر يظل الإنسان شايف الملائكة وشايف النزع.

- قال تعالى {وَنَحْنُ أَقْرَبُ إِلَيْهِ مِنْكُمْ وَلَكِنْ لَا تُبْصِرُونَ}

«قرب الله سبحانه وتعالى قرب يعني يعلم كيفيته الله لكن نؤمن أن الله أقرب إلى الإنسان من حبل الوريد وهذا قرب لا يلزم منه إن هو ينزل عن عرشه.

الله سبحانه وتعالى قريب في عليائه فلا يخلو منه عرشه ولا ينزل من عرشه ليكون قريباً من عباده ولا يخالط عباده ولا يكون بذاته معهم وإنما هو قريب منهم بعلمه، قريب منهم بسلطانه، قريب بإرادته، قريب بسمعه، ببصره، بإحاطته وأما ذاته الشريفة فلا تنزل إلى البشر وتخالط البشر.

- قال تعالى {فَلَوْلَا إِنْ كُنْتُمْ غَيْرَ مَدِينِينَ (86) تَرْجِعُونَهَا إِنْ كُنْتُمْ صَادِقِينَ}

- المعنى الأول: مدين من الدين، معناها لو أنت شايف نفسك مش هتتحاسب يبقى ده معناه كالتالي إن ربنا ملوش سلطان عليك، أنت ليك كده سلطان على نفسك خلاص إذا كان ليك سلطان على نفسك إمنع روحك إن هي تطلع إذا كان ليك سلطان على نفسك رجع الروح لما أنا آخدها!

- المعنى الثانى : يعني فلولا إن كنتم غير خاضعين لله، طالما أنت بتقول أنا مش خاضع لله وربنا ملوش سلطان عليا خلاص إمنع روحك تطلع.

- قال تعالى {فَأَمَّا إِنْ كَانَ مِنَ الْمُقَرَّبِينَ (88) فَرَوْحٌ وَرِيحَانٌ وَجَنَّتٌ نَّعِيمٌ}

«« مين هو المقرب؟ اللي هو السابق، مين السابق؟ اللي مميز في التوحيد مش مجرد لا إله إلا الله لأ عالي جدًا في العقيدة، اللي بيعمل الواجبات ويترك المنكرات وبيجاهد جدًا وبيجتهد جدًا في فعل المستحبات، {فَرَوْحٌ} عشان كده قالوا الرّوح هو الراحة وقالوا الرّوح هو السعادة مفيش تعارض

ما معنى ريحان؟ قيل فيها قولين...

- المعنى الأول: قالوا رِيحَان يعني رزق واسع وفير وده مناسب لرّوح لأن رَوْح بيقولك إيه؟ هتستريح فالتعب راح، خد بقى الريحان رِيحَان يعني رزق وفير، أجر كبير.

- المعنى الثانى: الريحان النبات الذي نعرفه فقالوا أن الملائكة تستقبله بالريحان تستقبله بالخبر تقوله هتستريح وكم ان تستقبله بالريحان اللي جاي من الجنة بقى مش الريحان بتاع الدنيا دوت.

- قال تعالى {فَسَلَامٌ لَّكَ مِنَ أَصْحَابِ الْيَمِينِ}

«« لك تحمل معنيين لو موجه لمحمد صلى الله عليه وسلم ...

- الاول: سلامٌ لك يا محمد يعني سلامٌ لك من أصحاب اليمين يعني إطمئن يا محمد أصحاب اليمين سيسلمون وتقر عينك بهم.

- الثاني: يعني يا محمد أهل اليمين يسلمون عليك، يا محمد أهل اليمين يُرسلون لك السلام ويسلمون عليك.

« لك تحمل معنيين لو موجه لأصحاب اليمين...»

- الاول: معناها سلامٌ لك يا صاحب اليمين لأنك كنت من أصحاب اليمين فسلمت.

- الثاني: يعني سلامٌ لك يا صاحب اليمين من إخوانك من أصحاب اليمين فهم يُسلمون عليك.

- قال تعالى {وَأَمَّا إِنْ كَانَ مِنَ الْمُكَذِّبِينَ الضَّالِّينَ (92) فَنُزِّلْ مِنْ حَمِيمٍ} « يعني شيء مخيف إذا كان أول بس ما تستقبل كده الضيافة بتاعتك المبدئية حميم.

- قال تعالى {وَتَصْلِيَةُ جَحِيمٍ}

« يعني ستذوق الجحيم وتصلاه وتدخل فيه وتذوقه.

- قال تعالى {فَسَبِّحْ بِاسْمِ رَبِّكَ الْعَظِيمِ}

« وحاسين إن إحنا عايزين نقولها لوحدنا قبل ما ربنا يؤمر بيها ودي حاجة ماشية معنا طول السورة من الأول إنت حاسس إنك كل شوية عايز تقول (سبحان الله العظيم).